

**URDHËR**  
**Nr. 1409, datë 24.12.2025**

**PËR DISA MASA MBROJTËSE NDAJ SËMUNDJES SË INFLUENCËS AVIARE ME  
PATOGENITET TË LARTË TË SHPENDËVE TË SHFAQUR NË SHTETIN E  
ITALISË**

Në mbështetje të pikës 4, të nenit 102 të Kushtetutës dhe pikës 1, të nenit 43, të Ligjit nr. 10465, datë 29.9.2011 “Për shërbimin veterinar në Republikën e Shqipërisë”, i ndryshuar,

**URDHËROJ:**

1. Ndalimin e importit dhe tranzitimit nga zonat e përcaktuara në pikën 2 të këtij urdhri për në territorin e Republikës së Shqipërisë, të:

- a) shpendëve të gjallë shtëpiakë;
- b) zogjve 24 orësh;
- c) shpendëve dekorativë;
- ç) materialit biologjik të shpendëve;
- d) vezëve të shpendëve;
- dh) mishit të shpendëve të patrajtuar termikisht;
- e) nënprodukteve të shpendëve të patrajtuar termikisht.

2. Zonat e prekura me sëmundjen e influencës aviare me patogenitet të lartë të shpendëve të shfaqur në shtetin e Italisë, janë sipas tabelës së mëposhtme:

| <b>Ndarja Administrative e Nivelit 1</b> | <b>Ndarja Administrative e Nivelit 2</b> | <b>Ndarja Administrative e Nivelit 3*</b> |
|------------------------------------------|------------------------------------------|-------------------------------------------|
| Friuli-Venezia Giulia                    | Udine                                    | Povoletto*                                |
| Veneto                                   | Verona                                   | Oppeano*                                  |
| Veneto                                   | Verona                                   | Isola Della Scala*                        |
| Piemonte                                 | Alessandria                              | Occimiano*                                |
| Emilia-Romagna                           | Bologna                                  | Minerbio*                                 |
| Emilia-Romagna                           | Forlì - Cesena                           | Forlì*                                    |
| Emilia-Romagna                           | Parma                                    | Sorbolo*                                  |
| Lombardia                                | Lodi                                     | Zelo Buon Persico*                        |
| Lombardia                                | Cremona                                  | Casale Cremasco-Vidolasco*                |
| Emilia-Romagna                           | Bologna                                  | San Giovanni In Persiceto*                |
| Emilia-Romagna                           | Modena                                   | Soliera*                                  |
| Emilia-Romagna                           | Ferrara                                  | Voghiera*                                 |
| Emilia-Romagna                           | Modena                                   | Modena*                                   |
| Lombardia                                | Brescia                                  | Seniga*                                   |
| Piemonte                                 | Novara                                   | Novara*                                   |
| Lombardia                                | Mantua                                   | Guidizzolo*                               |
| Lombardia                                | Varese                                   | Olgiate Olona*                            |
| Lombardia                                | Mantua                                   | Ceresara*                                 |
| Veneto                                   | Venezia                                  | Mira*                                     |
| Lombardia                                | Mantua                                   | Goito*                                    |
| Lombardia                                | Mantua                                   | Marmirolo*                                |

|                |                |                 |
|----------------|----------------|-----------------|
| Lombardia      | Mantua         | Roverbella*     |
| Verona         | Verona         | Nogarole Rocca* |
| Emilia-Romagna | Ferrara        | Argenta*        |
| Piemonte       | Torino         | Front*          |
| <b>Toscana</b> | <b>Pistoia</b> | <b>Agliana*</b> |

*Shënime: Simboli (\*) nënkupton zonën e infektuar që bllokohet.*

3. Certifikata veterinare garanton origjinën e ngarkesës së ardhur.

4. Autoriteti Kombëtar i Ushqimit dhe Autoriteti Kombëtar i Veterinarisë dhe Mbrojtjes së Bimëve informon të gjithë subjektet importuese të shpendëve të gjallë shtëpiakë, zogjve 24 orësh, shpendëve dekorativë, materialit biologjik, vezëve të shpendëve, mishit të shpendëve të patrajtuar termikisht dhe nënprodukteve të shpendëve të patrajtuar termikisht për hyrjen në fuqi të këtij urdhri.

5. Ky urdhër nuk zbatohet për ngarkesat e certifikuara para datës së hyrjes në fuqi të këtij urdhri.

6. Autoriteti Kombëtar i Ushqimit të informojë rregullisht Drejtorinë e Përgjithshme të Zhvillimit në Fushën e Sigurisë Ushqimore, Veterinarisë, Mbrojtjes së Bimëve dhe Peshkimit dhe Autoritetin Kombëtar të Veterinarisë dhe Mbrojtjes së Bimëve për çdo ngarkesë të shpendëve të gjallë shtëpiakë, zogjve 24 orësh, shpendëve dekorativë, materialit biologjik, vezëve të shpendëve, mishit të shpendëve të patrajtuar termikisht dhe nënprodukteve të shpendëve të patrajtuar termikisht që vijnë nga vendet e sipërcituara sipas pikës 2 të këtij urdhri.

7. Urdhëri nr. 1403, datë 22.12.2025 “Për disa masa mbrojtëse ndaj sëmundjes së influencës aviare me patogjenitet të lartë të shpendëve, të shfaqur në shtetin e Italisë”, shfuqizohet.

8. Për zbatimin e këtij urdhri, ngarkohen Drejtoria e Përgjithshme e Zhvillimit në Fushën e Sigurisë Ushqimore, Veterinarisë, Mbrojtjes së Bimëve dhe Peshkimit, Autoriteti Kombëtar i Veterinarisë dhe Mbrojtjes së Bimëve dhe Autoriteti Kombëtar i Ushqimit.

Ky urdhër hyn në fuqi menjëherë dhe botohet në Fletoren Zyrtare.

MINISTËR I BUJQËSISË DHE ZHVILLIMIT RURAL  
**Andis Salla**